

廬山蓮宗寶鑑念佛正教卷第二

素二

東林禪寺蓮宗善法祖堂勸修淨業臣僧普度謹自編集

念佛正教說

法界本無衆生衆生緣乎妄見如來本無言
教言教為乎有情妄見者衆生之病言教者

素三

衆生之藥以藥治病則病無不治以言覺妄
則妄無不覺凡夫日用而不知如來之道鮮
矣故我能仁大覺愍群機之未悟也於是仰
推大慈俯垂妙範華嚴頓示聲聞尚若盲聾
阿含委說菩薩未蒙獲益方等贊大般若蕩

空涅槃殊途同歸法華普皆受記於是群經
森列偏贊西方蓋以阿弥陀佛願廣緣强法
尊理備而然尔其教也指佛國為歸趣華池
寶地勝妙莊嚴令忻彼而厭此也其理也示
弥陀即自性念念圓明心心實相如大海之
混百川也其行也開示十六觀門攝心妙境
了性相空如明鏡之見面像也其果也九品
次第化生普攝利鈍登不退階至無上之菩
提道也是故九界衆生以無所得心而修佛
國妙行不亦宜乎如來出世之懷於斯盡矣

偏贊之辭有其旨焉真百千三昧之要門乃一實境界之直道論事儀則懺六根雪三業究宗旨則空萬法了一心是謂超苦海之健舟救急病之良藥信斯道者開本覺心出五濁苦達真淨土了性弥陀若明月之當空似

蓮花之出水故蓮宗之教以是名焉楊無為云蓮者出乎淤泥不捨衆生界也處空無染顯露清淨體也華而有實非魔境也華實同時因果一如也華開蓮現示權顯實也華落蓮成廢權立實也一蓮生無量華建立一切

法也十方同一華藏示佛境無異也蓮教之義得非是歟所以興慈運悲者遊戲於常光之界戒珠義海者涵泳於解脫之淵是以天龍護持王臣致敬古今不墜其化士民仰慕其風非夫大悲願力撫哀末習其孰能臻此

素三

二

我是故龍樹論證之晉賢社修之天台判釋之慈恩通贊之慈照集而懺之宗坦疏而解之宿衲名儒奉之者寶珠有集高賢達士修之者簡編有題於戲大法下衰去聖逾遠事佛者衆謀道者稀競聲利為己能視流通為

兒戲遂令法門凋瘵教網傾頽實賴後賢克
荷斯道普冀亡軀為法潔已依師欲達真乘
須親教典稟教乃能明理明理然後修行行
願無虧道果可證故知耳聞目見當依四法
以思修口誦心違縱解千章而何益是乃心
以教照佛以念持非以戒防罪以懺雪道以
實踐動以禮行近則期於立身揚名遠則希
於革凡成聖發揮佛祖之道捨我輩而誰歟
堅秉慧刀裂開魔網飲正法之甘露伐邪見
之稠林避惡友如避虎狼事良朋如事父母

謹守志節毋退大心正覺可遵非道莫履有
過務速改有善勿矜誇自然與禍斯遠與福
斯會現居塵世則人敬之天祐之他日淨方
則聖可期道可至豈在乎相形問命諂求榮
達之時又何必望影瞻光卜度終歸之日此

卷三

三

匪道人之見識實乃凡庸之妄情莫徇他求
但依本分在當仁而不讓宜見賢以思齊名
利不足動於懷死生不足勞其慮欲功成而
志遂必自邇而涉遐當驗果以推因信有作
而有報智足以照惑明足以燭幽言斯可法

行斯可樂德義可尊進退可度辯偽識真若
試金之美石除昏鑒物猶照世之真燈是大
導師作不請及擲出龍宮之寶均施群生撒
開祖門之關普容來者蠲滌邪病指歸妙源
俾昏鏡以重磨若垢衣而再淨使真風復振
福及大千觀慧日增明輝騰萬古可謂法王
之真子可謂大丈夫焉以此而奉西方大聖
人之教者復何愧歟

佛為父王說念佛

寶積經云世尊父王頂禮佛足一心合掌而

白佛言云何修行當得諸佛之道佛言一切
衆生皆即是佛汝今當念西方世界阿彌陀
佛常勤精進當得佛道王言一切衆生云何
是佛佛言一切法無生無動搖無取捨無相
貌無目性可於此佛法中安住其心勿信於
他爾時文王與七萬釋種聞說是法信
解歡喜悟無生忍佛現微笑而說偈曰
釋種決定智是故於佛法決信心安住
人中命終已得生安樂國面奉阿彌陀
無畏成菩提

善財五十三叅首見德雲比丘
說念佛門

華嚴經入法界品云德雲比丘告善財
言善男子我得自在決定解力信眼清
淨智光照耀普觀境界離一切障具清

素三

四

淨行往詣十方供養諸佛常念一切諸
佛如來摠持一切諸佛正法常見一切
諸佛隨諸衆生種種心樂示現種種成
正覺門於大衆中而師子吼善男子我
惟得此憶念一切諸佛境界智慧光明

普見法門所謂智光普照念佛門令一
切衆生念佛門令安住力念佛門令安
住法念佛門照曜諸方念佛門入不可
見處念佛門住於諸劫念佛門住一切
時念佛門住一切刹念佛門住一切世
念佛門住一切境念佛門住寂滅念佛
門住遠離念佛門住廣大念佛門住微
細念佛門住莊嚴念佛門住能事念佛
門住自在心念佛門住自業念佛門住
神變念佛門住虛空念佛門

智首菩薩說念佛

華嚴經云一切威儀中常念佛功德晝夜無暫斷如是業應作

龍樹大士勸念佛

大智度論云佛是無上法王諸大菩薩

卷二

五

為法臣諸臣所尊重者惟佛法王是故菩薩應當念佛又云有諸菩薩自念往昔謗般若墮惡道經無量劫雖修餘行未能得出後遇善知識教行念佛三昧即得併遣罪障方得解脫又偈云若人

願作佛心念阿彌陀即時為現身故我皈命禮

念佛功德有七種勝

甘露疏云一詞少易行勝唯稱一句南無阿彌陀佛一切人可念故二念緣佛境勝一心緣念佛身相好淨國為境故三離難獲安勝諸佛菩薩加護念佛者無諸患難安慶吉祥四稱名滅罪勝念佛一聲滅八十億劫生死重罪五持念獲福勝稱佛一聲勝四天下七寶供佛

及阿羅漢六果感見佛勝衆生念佛必定見佛七親迎往生勝化佛菩薩放光迎接行者往生佛土

修持法門

夫無為境界過絕名言有漏色心要憑

修證真如具含衆德方便而有多門上自離相平等下至十念稱名總括不離三乘往生且符九品有念終歸於無念有生直至於無生可謂一句弥陀群機普應矣

離相念佛三昧無住法門

慈照宗主云離相念佛三昧者上根智人悟此深理常運虛空平等心無我人衆生壽者相經云離一切諸相即名諸佛論曰我以計內人以計外衆生以續

卷三

六


前為能壽者以續後為義既無內外前後執心則一切諸相悉皆空寂故經云知無我人誰受輪轉亦無身心受彼生死是名離相念佛三昧此則見一切衆生本性皆同弥陀既不執有相無相二

邊亦無有斷見常見之說由是念念弥陀出世處處極樂現前如此念者無念之念念則真如無生之生生則實相故知無念即離念實相乃無相無相則無住無住則入佛境界此乃無上正真大

菩提道若到此地無修無證無生死可脫無涅槃可求性相俱空聖凡齊等無佛道可成無衆生可度無已靈可得一合無為十方坐斷無一法本有無一法始成自他互收事理無礙塵具足利謂十方薄伽梵一路涅槃門

三觀大一總相之圖

天台念佛三昧三觀法門



捏不成團
撥不開看
來看去轉
成跌人人
若到跌田
地三觀元
來是禍胎

智者大師云諸佛教理既明非觀行無以復性乃依一心三諦之理示三止三觀一一觀心念念不可得先空次假後中離二邊而觀一心如雲外之月者此乃別教之行相也又云破一切惑莫盛乎空建一切法莫盛乎假

究竟一切性莫大乎中故一中一切中無假無空無不中空假亦爾即圓教之行相也如西天伊字三點首羅天之三目非縱非橫並列故三觀圓成法身不素即免同窮子也龍樹菩薩偈云因緣所生法我說即是空亦名

爲假名亦名中道義斯與楞嚴圓覺經說奢摩陟三摩鉢提禪那三觀名目雖殊其致一也亦曰三諦天然之性德也中諦者統一切法真諦者泯一切法俗諦者立一切法舉一即三非前後也含生本具非造作之所得也

秘藏不顯蓋三惑之所覆也無明翳乎法性塵沙障乎化導見思阻乎空寂然茲三惑乃體上之虛妄也由是立乎三光破乎三惑證乎三智成乎三德空觀者破見思惑證一切智成般若德假觀者破塵沙惑證道種智成

解脫德中觀者破無明惑證一切種智成法
身德非各別也非異時也天然之理具諸法
故然茲三諦性之自爾窮理盡性故與禪宗
異而非異也行者念佛之時意根爲因白毫
圓光爲緣所起之念即所生法諦觀念佛心

素三

八

起即是假名體之即空洞鑒此心有如來藏
離邊顯中若根若塵並是法界諸佛衆生一
念普應即邊而中無佛無念此乃大乘圓修
三觀念佛也可謂無相無空無不空即是如
來真實相

空觀念佛三昧無念法門

空觀念佛三昧者即祖師序云思專想寂志
一不撓氣虛神朗無幽不徹入斯定者昧然
忘知塵累頓消滯情融朗非天下至妙孰能
與於此哉智者大師以空觀而蕩一切法故
云一空一切空無假無中而不空入此觀者
是審實真諦也今欲令行人反妄歸真故謂
之從假入空觀蓋假者是入空之詮先觀一
切法是假乃至四大五蘊六根六塵六識盡
十方世界山河大地皆無一物了知虛妄而

得會真故名二諦觀修此者先要攝心靜坐
將世間一切虛妄不實境界盡情掃蕩俱不
住着惟觀於空故般若經云內空外空內外
空空空空亦不可得如是頓入如來寶明空
海性覺真空即如來藏空性圓明靈光遍照

素三

九

法界性故如摩尼珠隨意出生如大溟海深
廣含攝平等性智名佛知見可謂諸行無常
一切空即是如來大圓覺

日觀念佛三昧專想法門

觀無量壽佛經云佛告希提希汝及衆生應

當專心繫念一處想於西方凡作想者一切
衆生自非生盲有目之徒皆見日沒當起想
念正坐西向諦觀於日令心堅住專想不移
日欲沒時狀如懸鼓既見日已開目閉目皆
令明了是為日想名曰初觀行人入此觀者

須於靜處屏絕外緣正坐攝心諦觀日輪現
在目前注心一境凝然寂靜如對明鏡自觀
面像心若馳散制之令還心息住定即得三
昧可謂海底金烏天上日眼中瞳子面前人
衆禪念佛三昧究竟法門

遠祖師禪經序云禪非智無以窮其寂智非禪無以深其照禪智者照寂之謂其相濟也照不離寂寂不離照感則俱遊應則同趣慈照云寂而常照照而常寂常寂常照名常寂光念佛之人欲參禪見性但依此法要於靜

室正身端坐掃除緣累截斷情塵瞠開眼睛外不着境內不住定回光一照內外俱寂然後密密舉念南無阿彌陀佛三五聲回光自看云見性則成佛畢竟那箇是我本性阿彌陀却又照顧看只今舉底這一念從何處起

覷破這一念復又覷破這覷底是誰○參良久又舉念南無阿彌陀佛又如是覷如是參急切做工夫勿令間斷惺惺不昧如鷄抱卵不拘四威儀中亦如是舉如是看如是參忽於行住坐卧處聞聲見色時豁然明悟親見

素三

十

本性弥陀内外身心一時透脫盡乾坤大地是箇西方萬象森羅無非自己靜無遺照動不離寂然後興慈運悲接引未悟悲智圓融入無功用行得上品名實報莊嚴土得一切種智可謂萬古碧潭空界月再三撈漉始

應知

攝心念佛三昧調息法門

大集經賢護品云求無上菩提者應修念佛
禪三昧偈云若人專念弥陀佛號曰無上深
妙禪至心想像見佛時即是不生不滅法坐

禪三昧經云菩薩坐禪不念一切惟念一佛
即得三昧初機修習未免昏散二病須假對
治人天寶鑑云凡修禪定即入靜至正身端
坐數出入息從一數至十從十數至百百數
至千萬此身兀然無心寂然與虛空等不煩

禁止如是久之一息自住不出不入時覺此
息從毛孔中入萬四千雲蒸霧起無始已來
諸病自除諸障自滅自然明悟譬如盲人忽
然有眼爾時見徹不用尋人指路也今此攝
心念佛欲得速成三昧對治昏散之法數息

素

十一

取要凡欲坐時先想已身在圓光中默觀鼻
端想出入息每一息默念南無阿弥陀佛一
聲方便調息不緩不急心息相依隨其出入
行住坐卧皆可行之勿令間斷常自密密行
持乃至深入禪定息念兩忘即此身心與虛

空等久久純熟心眼開通三昧忽尔現前即是唯心淨土

一相念佛三昧專念法門

大般若經云曼殊室利白佛言菩薩修行何法疾證無上菩提佛言菩薩能正修行一相

莊嚴三昧疾證菩提修此行者應離喧雜不思衆相專心繫念於一如來審取名字善想容儀即為普觀三世一切諸佛即得諸佛一切智慧天台十疑論云一切諸佛悉皆平等但衆生根鈍濁亂者多若不專心繫念一佛

則心散漫三昧難成故專令念阿弥陀佛即是一相三昧寶王論云修持一相念佛三昧者當於行住坐卧繫念不忘縱令昏寐亦繫念而寢覺即續之不以餘業間斷不以貪嗔等間隔隨犯隨懺悔不隔念不異念不隔日

不隔時念念常不離佛念念清淨圓明即是得一相三昧也可謂是若了一萬事畢

六時念佛功德回向法門

遠公祖師東林結社僧俗同修大智上賢深入禪觀得念佛三昧中流之士六時修禮淨

土回向西方唐有詩云遠公獨刻蓮花漏猶
向山中禮六時凡修此法先於淨室安置佛
像香花燈燭隨分供養澡浴塵垢着清淨衣
每日於日初時日中時日沒時夜初時夜半
時夜終時自對三寶端身合掌信禮西方每

素三

三

一時日觀慈容稱念南無阿彌陀佛聖號一
千遍禮佛四十八拜念西方文發願回向每
日晝三夜三六時行道精專不倦志意修持
堅固行願淨業圓成他日必得中品中生云

懺罪念佛功德繫念法門

大彌陀經云我作佛時十方無央數世界諸
天人民聞我名號燒香散花燃燈懸繒飯食
沙門起立塔寺齋戒清淨益作諸善一心繫
念於我雖止於一晝夜不絕亦必生我刹不
得是願終不作佛又云我作佛時十方無央
數世界諸天人民以至蜎飛蠕動之類前世
作惡聞我名號即懺悔為善奉持經戒願生
我刹壽終皆不經三惡道徑遂往生一切所
欲無不如意不得是願終不作佛凡修持者
先當嚴淨壇場燒香然燈廣設供養請一比

丘及諸上善人同壇尊證白佛陳意絕慮去
憂勿預家事勿近內人齋戒修持繫念彼佛
名號一晝一夜每佛一千聲誦弥陀經一卷
如是三次志心懺悔回向云我今自憶有生
以來造諸惡業願此念佛功德得入如來大

素

十三

擅海中承佛慈力眾罪消滅冤尤釋除三業
所生一切諸善莊嚴淨願福智現前願得臨
命終時自知時至身無病苦心不顛倒如入
禪定於一念頃徑生西方極樂國土見佛接
引於七寶池中蓮花臺上蒙佛授記得聞經

法頃開佛慧廣度衆生滿菩提願可謂水向
石邊流出冷風從花裏過來香

晨昏念佛功德信願法門

在家菩薩奉佛持戒逐日營辦家緣未能一
心修行者須是早起焚香參承三寶隨意念
佛每日黃昏亦如是禮念以爲常課如或有
幹失時次日當自對佛懺既此之法門要且
不妨本業爲士者不妨修讀爲農者不妨耕
種爲工者不妨作務爲商者不妨買賣晨參
夕禮之外更能二六時中偷那工夫持念佛

號百聲千聲志誠為功期生淨土回向云弟子某
禮念功德願命終時徑生淨土蓮花池畔親見
弥陀寶樹行中相逢善友普為父母師長法界
眾生同滿此願可謂積塵成巨獄滴水漸成河

簡徑念佛功德十念法門

慈雲式懺主云在俗人塵務忙冗每日清晨
服飾已面西合掌念南無阿弥陀佛盡一口
氣為一念如是十念但隨氣短長氣極為度
其念佛聲不高不低調停得中如此十念連
讀不斷意在令心不散專精為功顯是善氣

束心也回向云某一心皈命西方阿弥陀佛
願以淨光攝我我今稱如來名經十念頃求
生西方佛昔本誓若有眾生欲生我刹十念
我名若不生我國者我誓不成佛今以十念
功德願命終時心不顛倒於一念頃生極樂

素二

十四

國聞佛妙法速證菩提可謂信心如不退決
定檀金僊

慈照宗主圓融四土選佛圖序

去寂光同居一智無殊情生彼此見有親疎
觀面了色空性如如本無二路自見妙麗吾

不如是一体毘盧先須識本免被茶糊行有
行相智有智模願有願力進有程途惺惺寂
寂如淨明珠照徹心體凡聖同途四土合徹
三身一如頭頭淨土處處阿彌且山僧因見
四土混亂無綸智轉行融致使利鈍不分因
果俱失只言淨土不知淨土高低只說唯心
不知心之深淺故見諸家相毀各執一邊誰
知自破宗風非魔能壞今則略開一線述出
四圖削去迷情頓明心地然後河沙法界該
收一紙之中無量法門出乎方寸之內耳

圖之相總 土四融圓



素二

十五

自性彌陀佛
唯心淨土機
悟來唯一念
迷後歷三祇
折攝二門設
聖凡一路歸
世情看冷暖
人面逐高低

三光具足

凡聖同居土



如磨序出身

凡聖情差智有殊
須憑修證契昆虛
恐人易一行疲倦
權指西方住半途
橫出三界以人知易修易往勿狐疑
塵垢未除求解脫一心信願念阿彌
臨終正念分明去三朝七日預知時
既生淨土常聞法何愁不得悟心機

願三宗勝情具十橫
不德用劣見煩念出
退迷體應除惱生界
及其人尺聖
天所見身居

此土但有信願念佛不斷煩惱不捨家緣不修禪定臨命終時彌陀接引皆得往
生淨土便獲神通得不退轉且至菩提是常居者乃自他受用三光具足終歸
四生九品化生據後三土皆在其中不別出而祇引下品者蓋祖師明其
易修易往也其餘品位高低各隨行願修證而成也

如星之光

方便勝居士



如邊功出身

斷除煩惱絕蹤由
滅智灰心罷便休
寶所不能前進步
如來方便故相留
豎出三界聲聞性
煩惱塵勞急斷除
入定四禪頻觀鍊
永超凡世不還歸

行解體勝一破八豎
不脫用應切見關出
退德宗身智惑生界
等所見身居

此土皆是定性小乘根性怕怖三界如虎兇龍蛇破見思惑救貪
具礙斷如來種如獨步後群偏執見空空滯寂步便乘繞義謂伏

實報莊嚴土

如月之光



如科選出身

心法微微猶未遣
應知情盡始除根
貼肉汗衫既未脫
纖塵猶礙大乾坤
非橫非豎理偏宜
三觀澄心進莫疑
一刀未起彼岸
依然還落聖賢機

素二

十六


智般用圓道
不若宗報種
退德體身智

破塵三非八一生
沙惑心橫萬補處
分破克豎四及諸
無明生界好所見
居薩菩

聖賢是大乘圓修三觀十住十行十向十地等覺清淨身心智慧若沙參
礪無明分身方入根成道度脫衆生皆未竟竟者賢首教義明

如常寂光淨土

如之



如法頂王子出身

境智如絕塵修
更無罣滯心頭
情盡除消思斷
淨穢智聞惑破無煩惱本
逐源獨自無心身滿塵
妙界任運攝將諸子歸

但法宗清一破一衝無諸法果

不身體淨切三念關上佛界人

退德用身智盡生頂真見身居


此土是寂上乘境界惑盡情定諸法不生般

若不生不生不生名大涅槃究竟境居涅槃山

頂端居常寂光土名清淨法身毘盧遍那佛

名到彼岸亦名空劫以前自己也

東方



卷二

四土非方域
情生礙不通
悟迷分大山
淨穢隔西東
萬有形雖別
千機理自同
春風俱一拂
何處不花紅
大見始終無改
小見九品差殊
上智和在一心
下智東西隔礙

西方



阿鼻依天處極聖之自心身土是虛不逾下凡之念智若妄且離伽耶
別求常寂光清淨覺虛遮那極切慶喜悅心者切萬法唯心本具耳


莫謂西方遠
西方在目前
雖云越十萬
曾不離三千
念佛纔開口
花池已種蓮
信心如不退
決定禮金僊
西方是取相欣
厭二門修若人
從此入得一切
處皆淨土

觀心四土




欲識天真佛
從來絕證修
不須外尋覓
但向自心求
悟後三身合
迷時四不周
莫生分別見
直下息心休

西方四土



四土縱橫如密網
七方流麗如清門
莫道西方無土
品品圓圓可分
圓融四土
一家四土在人心
不用他方遠處尋
四土圓融不可分
應知分處不分分
雖然兩處蓮華寺
何妨佛殿及三門


恒沙四土




盡在

大

三諦四土



凡聖尊卑體同
情共隔礙不融通
然則四皆全體現
迷來土土不知尋



相即四土

休宗及周相即
舉一即三三是一
思分三心不窮
日月是光微言大

絕待四土

聖機論云
更無纖芥可留存
華嚴元是如
蒙杜集案當

教是佛眼禪是佛心心若無眼心無所依眼
若無心眼無所見心眼和合方辨東西禪教

和融善知通塞當知機有利鈍法有開遮若
定作一路收機都成謗法四門入郭都至府
前四土修心各登彼岸聽教之士不可偏邪
參禪之流應如是會權實方便運用在人惟
亘事理融通不可執法而成病○聞思修三

慧戒定慧三學各要反本還源盡欲華凡成
聖今人不了各執一過只說教不通禪禪不
通教本為去執反屬偏情平等修心却生分
別禪云黃花翠竹總是真如教云一色一香
無非中道勢至菩薩因念佛故自得心開智

素二

九

者大師誦法華經得見真法是處各存妙道
豈在喧爭今要凡心與身土和融念佛與禪
教一道入門雖別到底是同休起愛憎莫分
彼此各須究本勿競技條不可執實而謗權
執權而謗實也

永樂北藏

廬山蓮宗寶鑒

第一九五冊

清涼國師云

塵勞業海 結惑堅軌 情盡除 不勞收拾

夫法報應之三身寂光同居四土各要歸源
咸迴一路一身三身四土一土非後非前無
來無去情見有差非佛隱覆祇許心傳不通

言句周徧圓融無盡無窮一真無礙重更重
重帝珠莫喻梵網難同撥轉機關八達四通
不在伶俐唯假惺惺毘盧得道許汝便成永
絕生死即放光明若不擬議海晏河清

王分四土 圭卷三才 身去無有盡 情見恰如掌

架無碍力 俯在法輪 州皆見月 慶慶有光明

後頌

大道通天下 明明幾百州 州各道路 路路含春秋

獲三身別 悟來一也休 這般無彼此 莫把結怨讎

念佛提綱

本自無蹤無跡 方便與君拈出

有人問我何為 南無阿彌陀佛

念佛心開

因修三昧念彌陀 忽覩彌陀心上過

始覺行行皆寶所 方知土土悉交羅

禪教相成

天台賢首慈意教
法門頭數無窮盡

三身體同

三德秘藏及三身

素二

變處融通無罣碍

三寶不異

佛法僧寶寂為真

舉一即三三是一

身土不二

達磨南山意不殊

不離毫端絕妙處

舒卷臨機分不分

二下

勿教一向作三人

豈真而今一點靈

要教錯認是靈星

毘盧即是寂光土

身未本來無二相

心佛無殊

此心即是彌陀佛

皆道蟾光有虧減

絕跡無相

一念圓明法界周

若也此中明了得

情盡宛然

毘盧海藏全無迹

寂即是大毘盧

皇城元是大京都

彌陀即是自心源

誰信從來日日圓

免向三祇着劫修

一點微塵也不留

寂光妙土亦無踪

劫火洞然毫末盡

青根紫葛白雲中

頭頭見道

寂光金寶及泥沙

到處無心便是家

了得箇中玄妙意

優曇元是白蓮花

處處逢源

素二

心心念念彌陀佛

頭頭處處白毫盧

微塵刹海如星布

撮在衲僧一畫圖

廬山蓮宗寶鑑念佛正教卷第二